

Z A P I S N I K

sa XI elektronske sjednice Vijeća Građevinskog fakulteta Univerziteta u Sarajevu, održane dana 21.09.2020. godine, sa periodom izjašnjavanja od 10.00 do 13.00 sati.

Članovi Vijeća Građevinskog fakulteta (pozvani putem e-maila):

Nastavnici i saradnici:

Dolarević dr. Samir, Pozder dr. Mirza, Hrasnica dr. Mustafa, Simonović dr. Goran, Ilić-Georgijević dr. Emil, Imamović dr. Ismar, Topoljak dr. Jusuf, Vrce dr. Esad, Mulić dr. Medžida, Čerimagić dr. Đenari, Šuvalija dr. Suvada, Kurtović dr. Azra, Džebo dr. Suada, Medić dr. Senad, Milišić dr. Hata, Omićević dr. Džanina, Mešić dr. Esad, Hadžić dr. Emina, Skejić dr. Adis, Albinović dr. Sanjin, Serdarević dr. Amra, Tuno dr. Nedim, Ademović dr. Naida, Milašinović dr. Zoran, Mulahusić dr. Admir, Ibrahimbegović dr. Adnan, Balić dr. Anis, Hadžalić dr. Emina, Karavelić dr. Emir, Ljevo dr. Žanasa, Hajdo dr. Emina, Kalajdžisalihović dr. Haris.

Nedim Kulo (G), Džubur Alma (H), Mladen Kapor (Kat.za geol.), Medić Jelena (K), Šarić Ammar (S), Suljević Samir (K), Lazović Nerma (H), Damir Hasanspahić (Mat.), Krdžalić Dževad (G).

Studenti: Adelisa Subašić, Izet Nanić, Damir Tahirović

Ostali prisutni (obavješteni putem e-maila): Sabina Bajrić, sekretar fakulteta

Elektronska sjednica je započela u 10.00 sati.

Sjednicom Vijeća je predsjedavao prof.dr. Samir Dolarević, dekan Građevinskog fakulteta na osnovu čije saglasnosti, a u skladu sa obavezom poštivanja svih mjera Kriznog stožera Federalnog ministarstva zdravstva i Vlade Federacije BiH, u cilju sprječavanja i kontrole epidemije izazvane novim koronavirusom (COVID-19), je članovima Vijeća putem e-maila dostavljen Poziv za održavanje XI sjednice – elektronske – zakazane za 21.09.2020. godine sa naznakom termina izjašnjavanja u terminu od 10.00 do 13.00 sati.

Od ukupno 44 člana Vijeća Građevinskog fakulteta u utvrđenom terminu glasanja glasanju je pristupilo 41 član Vijeća, a 3 člana Vijeća se nisu izjasnili: Adelisa Subašić (student), Izet Nanić (student), Damir Tahirović (student).

Na prijedlog dekana usvojen je sljedeći:

DNEVNI RED:

- I Usvajanje Zapisnika sa X sjednice Vijeća Građevinskog fakulteta, održane 08.09.2020. godine;
- II Molba kandidatkinje Naide Pljevljak za prijem i upis na studijski program geodezije i geoinformatike
- III Usvajanje konačnih spiskova kandidata koji su u drugom roku prijavljeni u prvu godinu prvog ciklusa studija studijskog programa građevinarstva i studijskog programa geodezije i geoinformatike.
- IV Utvrđivanje prijedloga odluke za smanjenje visine naknade troškova III ciklusa studija – doktorskog studija na Građevinskom fakultetu Univerziteta u Sarajevu za studente koji prvi put upisuju III ciklus studija – doktorski studij u akademskoj 2020/2021. godine, a koji nisu uposlenici Građevinskog fakulteta Univerziteta u Sarajevu;
- V Molba studenta Muhameda Avdića za promjenu teme završnog rada i imenovanje Komisije za ocjenu i odbranu završnog rada;

- VI Izvještaji Komisija za ocjenu i odbranu završnih radova studenata na drugom ciklusu studija:
- a) studentice Odsjeka za geodeziju i geoinformatiku Ivane Marčinko
 - b) studenta Odsjeka za geodeziju i geoinformatiku Nermina Ličine
 - c) studentice Odsjeka za saobraćajnice Martine Malenica
- VII Saglasnost za angažman prof.dr. Zorana Milašinića na Građevinskom fakultetu Sveučilišta u Mostaru;
- VIII Odluka o prestanku članstva u Vijeću Građevinskog fakulteta Univerziteta u Sarajevu Dževadu Krdžalić, Mr.dipl.ing.geod.;
- IX Utvrđivanje načina i modela realizacije nastave na Građevinskom fakultetu u studijskoj 2020/2021. godini skladu sa Zaključkom Senata Univerziteta u Sarajevu broj 01-19-5/20 od 09.09.2020. godine

Ad/I

Članovi Vijeća su putem e-mail korespondencije pozvani da se izjasne o Zapisniku sa X sjednice Vijeća Građevinskog fakulteta, održane 08.09.2020. godine.

Na Zapisnik sa X sjednice Vijeća Građevinskog fakulteta, održane 08.09.2020. godine nije bilo primjedbi, te je isti jednoglasno usvojen.

Ad/II

Jednoglasno je donesena sljedeća:

ODLUKA

Udovoljava se Molbi kandidatkinje Naide Pljevljak i odobrava se da imenovana umjesto na konačnoj listi prijavljenih kandidata za studijski program građevinarstva bude uvrštena na konačnu listu prijavljenih kandidata za studijski program geodezije i geoinformatike, koji su u drugom roku prijavljeni u prvu godinu prvog ciklusa studija studijskog programa geodezije i geoinformatike na Građevinskom fakultetu Univerziteta u Sarajevu.

Ad/III

Jednoglasno je donesena sljedeća:

ODLUKA

I

Usvaja se Izvještaj Centralne komisije za provođenje postupka prijema kandidata u prvu godinu prvog (I) ciklusa studija studijskog programa građevinarstva i studijskog programa geodezije i geoinformatike u drugom upisnom roku u akademskoj 2020/2021. godini broj: 02-1-1441-2/20 od 18.09.2020. godine.

II

Usvajaju se konačni spiskovi primljenih kandidata u svim statusima – rang liste, koji su u drugom roku primljeni u prvu godinu prvog (I) ciklusa studija studijskog programa građevinarstva i studijskog programa geodezije i geoinformatike u akademskoj 2020/2021. godini.

Izvještaj Centralne komisije za provođenje postupka prijema kandidata u prvu godinu prvog ciklusa studija studijskog programa građevinarstva i studijskog programa geodezije i geoinformatike u drugom upisnom roku u akademskoj 2020/2021. godini broj: 02-1-1441-2/20 od 18.09.2020. godine, kao i Konačni spiskovi kandidata u svim statusima – rang liste, koji su u drugom roku primljeni u prvu godinu prvog (I) ciklusa studijskog programa građevinarstva i studijskog programa geodezije i geoinformatike u akademskoj 2020/2021. godini su u prilogu ove Odluke.

Ad/IV

Jednoglasno je donesena sljedeća:

ODLUKA

I

Utvrđuje se prijedlog za smanjenje visine naknade troškova III ciklusa studija na Građevinskom fakultetu Univerziteta u Sarajevu za studente koji prvi put upisuju III ciklus studija – doktorski studij u akademskoj 2020/2021. godine, a koji nisu uposlenici Građevinskog fakulteta Univerziteta u Sarajevu.

II

Utvrđuje se prijedlog visine naknade troškova III ciklusa studija – doktorskog studija na Građevinskom fakultetu Univerziteta u Sarajevu za studente koji prvi put upisuju III ciklus studija – doktorski studij u akademskoj 2020/2021. godine, a koji nisu uposlenici Građevinskog fakulteta Univerziteta u Sarajevu, u iznosu od 5.000,00 KM (pethiljada KM) po studijskoj godini III ciklusa studija – doktorskog studija na Građevinskom fakultetu Univerziteta u Sarajevu.

III

Prijedlog Odluke dostaviti Senatu Univerziteta u Sarajevu na daljnji postupak.

Ad/V

Jednoglasno je donesena sljedeća:

ODLUKA

I

Studentu Muhamedu Avdiću se dozvoljava promjena teme završnog rada na II ciklusu studija studijskog programa građevinarstva:

- ranija tema - «Analiza mogućnosti dugoročnog rješavanja snabdjevanje vodom Sarajeva sa posebnim osvrtom na zaštitu izvorišta Sarajevsko polje»
- nova tema – «Uređenje dijela korita rijeke Spreče nizvodno od ušća rijeke Jale».

II

Imenuje se Komisija za ocjenu i odbranu završnog rada studenta Muhamedu Avdiću na II ciklusu studija studijskog programa građevinarstva na temu «Uređenje dijela korita rijeke Spreče nizvodno od ušća rijeke Jale» u sastavu:

1. Doc.dr. Hata Milišić, dipl.ing.građ., predsjednik
2. Prof.dr. Emina Hadžić, dipl.ing.građ., član
3. Doc.dr. Haris Kalajdžisalihović, dipl.ing.građ., član.

Mentor završnog rada je: Prof.dr. Emina Hadžić, dipl.ing.građ.

Ad/VI

a) Jednoglasno je donesena sljedeća:

ODLUKA

I

Usvaja se Izvještaj Komisije za ocjenu i odbranu završnog rada studentice II (drugog) ciklusa studijskog programa geodezije i geoinformatike Ivane Marčinko, pod naslovom "Prevođenje geometrijskih podataka katastarskog plana u globalni referentni koordinatni sistem", zaveden pod brojem: 06-2-1433-1/20 od 15.09.2020.godine.

II

Prihvata se završni rad studentice Ivane Marčinko, pod naslovom "Prevođenje geometrijskih podataka katastarskog plana u globalni referentni koordinatni sistem" i odobrava odbrana završnog rada.

b) Jednoglasno je donesena sljedeća:

ODLUKA

I

Usvaja se Izvještaj Komisije za ocjenu i odbranu završnog rada studentice II (drugog) ciklusa studijskog programa građevinarstva, smjer saobraćajnice, Martine Malenica, pod naslovom "Proračun gornjeg stroja željezničkih pruga u skladu sa osnovnim parametrima tehničkih specifikacija za interoperabilnost (TSI)", zaveden pod brojem: 06-2-1435-1/20 od 15.09.2020.godine.

II

Prihvata se završni rad studentice Martine Malenica, pod naslovom "Proračun gornjeg stroja željezničkih pruga u skladu sa osnovnim parametrima tehničkih specifikacija za interoperabilnost (TSI)" i odobrava odbrana završnog rada.

c) Jednoglasno je donesena sljedeća:

ODLUKA

I

Usvaja se Izvještaj Komisije za ocjenu i odbranu završnog rada studenta II (drugog) ciklusa studijskog programa geodezije i geoinformatike Nermina Ličine, pod naslovom "Kartiranje i analiza vještačkih površina za potrebe uspostave jedinstvenog zemljišnog informacionog sistema u slivu rijeke Drine na području Bosne i Hercegovine", zaveden pod brojem: 06-2-1432-1/20 od 14.09.2020.godine.

II

Prihvata se završni rad studenta Nermina Ličine, pod naslovom "Kartiranje i analiza vještačkih površina za potrebe uspostave jedinstvenog zemljišnog informacionog sistema u slivu rijeke Drine na području Bosne i Hercegovine" i odobrava odbrana završnog rada.

Ad/VII

Jednoglasno je donesena sljedeća:

ODLUKA

o saglasnosti za angažman na drugoj visokoškolskoj ustanovi

I

Daje se saglasnost **prof.dr. Zoranu Milašinoviću, dipl.ing.građ.**, zaposlenom na Građevinskom fakultetu Univerziteta u Sarajevu sa punim radnim vremenom, za angažman u realizaciji nastavnonaučnog procesa na Građevinskom fakultetu Sveučilišta u Mostaru u akademskoj 2020/21. godini za nastavne predmete:

- "Hidrotehničke građevine" - u (V) zimskom semestru, sa 2 časa predavanja sedmično,
- "Hidromehanika" - u (IV) ljetnom semestru, sa 3 časa predavanja sedmično.

II

Obaveze zaposlenika iz tačke I ove Odluke prema Građevinskom fakultetu Univerziteta u Sarajevu su:

- da u potpunosti realiziraju utvrđeni plan i program iz nastavnog predmeta/oblasti za koji su izabrani i zaduženi Planom realizacije nastave,
- da pomažu studentima u izvršavanju samostalnih zadataka i u njihovoj pripremi za savladavanje nastavnonaučnih sadržaja i provjeru znanja, organiziranjem i održavanjem redovnih, a po potrebi ili na zahtjev studenata i dodatnih konsultacija,
- da se angažman u visokoškolskoj ustanovi za koju se daje saglasnost realizira poslije 16 sati,
- da obavijeste visokoškolsku ustanovu na kojoj su angažirani da ne mogu biti na spisku akademskog osoblja za dobivanje akreditacije te visokoškolske ustanove,
- da u slučaju prestanka ili odustajanja od angažmana iz tačke I ove Odluke dopisom obavijeste dekana Fakulteta.

Ad/VIII

Jednoglasno je donesena sljedeća:

ODLUKA

Zbog rasporeda na poslove i radne zadatke radnog mjesta višeg stručnog saradnika na poslovima Instituta za geodeziju i geoinformatiku Građevinskog fakulteta Univerziteta u Sarajevu, Dževadu Krdžaliću, Mr.dipl.ing.geod., od 01.10.2020. godine prestaje članstvo u Vijeću Građevinskog fakulteta Univerziteta u Sarajevu.

Ad/IX

Jednoglasno je donesena sljedeća:

ODLUKA

I

Utvrđuje se način i model realizacije nastavnih aktivnosti na Građevinskom fakultetu Univerziteta u Sarajevu u zimskom semestru akademske 2020/2021. godine, kako slijedi:

- predavanja na određenoj grupi predmeta će biti u potpunosti u online režimu bez fizičkog prisustva prisustva studenata u salama (manja grupa predmeta),
- vježbe na određenoj grupi predmeta će biti u potpunosti u online režimu bez fizičkog prisustva studenata u salama (manja grupa predmeta),
- nastava na značajnom broj predmeta (kako predavanja tako i vježbe) će biti realizovana kombinovano, u smislu da grupa studenata bude prisutna u učionici, a grupa studenata prati nastavu u online režimu (sa snimanjem), uz rotaciju studenata svake druge sedmice,
- vježbe na pojedinim predmetima će biti održavane u sali u više linija (uz snimanje jedne grupe),
- praktična nastava će biti održavana u laboratorijama i računskim centrima uz podjelu grupe studenata na linije,
- nastavni proces na II. ciklusu studija će se gotovo u cjelosti realizirati u učionicama, sa eventualnim podjelama u linije.

II

S obzirom da nastava počinje 12.10.2020. godine i da nije moguće predvidjeti kakvo će biti stanje u vezi sa epidemiološkom situacijom, Građevinski fakultet poduzima neophodne aktivnosti na opremanju 12 sala i 3 amfiteatra, u smislu obezbjeđivanja uslova za odvijanje nastave u online režimu (internet, nabavka HD widescreen kamera), tako da bi u slučaju pogoršanja epidemiološke situacije, a u skladu sa naredbama i preporukama nadležnih kriznih štabova, imao mogućnosti prelaska na realizaciju nastavnih aktivnosti u online režimu u punom kapacitetu.

III

Pri realizaciji nastavnih i drugih aktivnosti na Građevinskom fakultetu Univerziteta u Sarajevu, obavezno će se poštivati propisane epidemiološke mjere, u smislu poštivanja obavezne propisane fizičke distance od najmanje 2 metra između osoba, kao i sve druge od nadležnih institucija i kriznih štabova propisane epidemiološke mjere.

Građevinski fakultet Univerziteta u Sarajevu će, u skladu sa svojim mogućnostima, voditi računa i o propisanoj fizičkoj distanci od najmanje 2 metra između osoba i u pristupnim prostorima (holovi, hodnici i sanitarni čvorovi).

IV

Za realizaciju ove Odluke zadužuju se rukovodioci odsjeka i katedri i prodekan za nastavnonaučni rad.

Izjašnjavanja članova Vijeća Građevinskog fakulteta Univerziteta u Sarajevu su sastavni dio ovog Zapisnika.

Zapisnik vodila:
Sabina Bajrić, dipl. pravnik

Sabina Bajrić

02-4-1474-1/20

22.09.2020

DEKAN

Prof.dr. Samir Dolarević, dipl.inž.grad.

[Signature]